


ka-mawaci- misteyihtakwâhki:

waweyiscikâtek misi atoskewin ekota
kanâta pihcipowi eyewin nakinamâkewin
masinahikewipayiwin pakitinikâtehki

kanâta pihcipowi eyewin nakinamâkewin
masinahikewipayiwin pakitinikâtehki (GHG)
itocikeyimakan tipahikewinis ka-itôtamihk
atoskewina ka-nakipitamihk GHG kaspasikewina
ahpô ayiwak ka-otinihikâteki GHGs osci kîsikohk.
kaskihowin kâ-osihtâhk kihci okimânâhk
mestinihikewin masinahikewipayiwin kâ-kî-atâwâkehk
osihcikeyimakan atoskewina ka-sôniyâhkehk osci
itôtamowina ka-nikipitamihk GHG nihcipikewina.
ôma wîcihihtâsomakan kwayask ka-itôtamihk ekwa
ka-itisahamihk sôniyâwewina isi eyikoni itôtamowina.

pwâmâyask itasiwâtahkik ka-atoskâtahkik
atoskewin ekota kanâta GHG masinahikewipayiwin
pakitinikâtehki, misi atoskewina poko
ka-mâmitoneyihtahkik itahto kîkwaya tâskoc:

- kîspin ka-kaskihohk atoskewin
- itakihteki ekwa kaskihcikewina
- ispihcahk ekwa apacihcikan ka-nitaweyihtamihk





kihcinahohk anima atoskewin ka-kaskihohk ka-masinahikâtek

moy kahkiyaw itôtamowina ka-nicipihtahkik GHGs kâ-kî-nakinamâkewin atoskewin ekota kanâta GHG nakinamâkewin masinahikewipayiwin pakitinikâtehki. atoskewina ekota kihci okimânâhk GHG nakinamâkewin masinahikewipayiwin pakitinikâtehki poko kahkiyaw kîkwaya ka-nakiskahkik ekota *Canadian Greenhouse Gas Offset Credit System Regulations* (anihi wiyasiwewina) ekwa anima kihci okimânâhk nakinamâkewin nikanascikewin isi anima atoskewin. anihi wiyasiwewin wiyascikâteawa osci askohowewina ekwa nakiskâcikewina kahkiyaw isi atoskewina ekwa anihi nîkânascikewina mîna nakiskacewina osci kihcinâk isihcihewina. nîso anihi nakiskâciwina ekwa anima masinahamihk nîkânascikewin kâ-kî-nîsostahk ikospihk wâweyiscâteki ekwa wiyastahki peyak nakinamâkewin atoskewin. oski nîkanascikewina osihcikâteawa tâpitaw ayiwak ka-osih tâhk atoskewina osci GHG nakinamakewin atoskewina. ka-nistohtamihk kîspin atoskewin nakâskâcikeyimikan ka-kaskihtâhk ka-masinahamihk ekota kihci okimânâhk GHG nakinamâkewin pakitinikâtehki poko nîkân nistam itôtamowin osci atoskewin wawewinihk.





kinwâpahtamihk itakihtewina ekwa kaskihcikewina

itakihtewina ekwa kaskihcikewina ka-kî-mâmitoneyihtamihk misikâme itôtamihki anima atoskewin. astewa ka-tipahamihk kîkwaya isi kahkiyaw anima GHG nakinamâkewin atoskewin eta pokok ka-kinwâpahtamihk isi anima tipahikewin kaskihowin. ohi itâkihtewina pâ-pîtos pihtaw osci ispihcâki, ayimâhki, ekwa kîko atoskewin. mihceyit anihî itâkihtewina tâpitaw ispayinwa misâkame itôtamihk atoskewin ekwa apihtikwe mîna nîkânihk pwâmayask tipahamâtowinihk osci ka-atâwâkehk anihî masinahikewipayiwina. kâ-maci mistakihteki isi tipahikanihk ekwa âpachicikanihk anihî:

- **atoskewin osihtâwin** – waweyin, wayisiwek wîtahpisomitowina, kinwâpahtamihk kîspin ka-tipamâmihk, mawacihatak apachicikana ekwa masinahikewina, ekwa e-waweyastâhk masinahikana.
- **atoskahihcik nakacihâtâwak** – kahtinamihk wîchikowisowin osci nâkacihâtâwak ka-wîchihâtâsocik isi anima atoskewin.
- **atoskewin tipahamihk** – mâwacihatak nitaweyitamihk sôniyâw.
- **atoskewin itôtamowina** – itôtamihk itôtamowina ka-nikipicikâtek GHG nihcipicikewina.
- **tâmayikohk** – tipâpâtamihk, mawacihâtâhk misinahikewina, ekwa tâmayikohk GHG nihcipicikana.
- **wihtamâkewin** – waweyastahk tâhtwa atoskewin masinahikana.
- **tâpwihcikewin** – atoskâhiht kotak nisto awiyak tâpwihcikewin atoskewin ka-itohtecik atoskewin ekwa ka-tâpwihtahkik atoskewin masinahikewina pwâmayask itisahikâteki ohpime.
- **tipahikewina itâkihtewina** – kiskinwahamâke kimasinahikewipayiwina, miskâwâcik otatâwewak, ekwa mâmiskotamihk atâwewin tâpwihtamowina.



mîna ayiwâk, osci anihî atoskewina kâ-asteki tâpwihtamowina isi kotakwak, anima atoskewin itôtamowin ka-ki-mâmitoneyihtamihk tâmayikohk itakihtek pihtâw osci wîci-atoskewina kotakwak.

tâmiyakwa atoskewin, masinahikewipayiwina ka-ki-osihcikâtepa wepac, ahpô mîna kinwesîs pwâmayask GHG nihcipayinwa pihtaw osci nakinamâkewin masinahikewipayiwîn âpachicikâteki. ka-waweyastahk atoskewin, mâmitoneyihtâ tânisi anihî nistam itakihtewina ka-tipahamihk pwâmayask e-mâci sôniyâhkehk. kîspin tipahikewin nitaweyihcikâtepa osci sôniyâwikamikwa ahpô sôniyâw awihiwewak, piko kamâmitoneyihtamihk itakihtewina osci sôniyâw ka-tipahamihk masinahikewina ahpô kawî ka-tipahamowihcik sôniyâw awihiwewak.

kotakwa kîkwaya osci wayawehewin kâtâwin atoskewina

kotakwa astewa m̄amitoneyihcikewina osci atoskewina ka-itôtamihk wayawehewin kâtâwin. apihtikwe astewa tipahikewina osci meskotinamâkewin isi GHG nakinamâkewin atoskewin ekwa kotakwa apihtikwe askiy apacihcikâtewina tâskoc wikamik, wâtihkewin ahpô misi kiskâtahikewin. mâka, GHG nakinamakewin atoskewina apihtikwe ka-pakitinikâtewina osci mâcewin ekwa kotakwa sihcikewina ahpô kayâsi apacihcikewina.

osci sâkâw atoskewina, misi sihcikewina itakihtewina anihi ka-kinwâpahtamihk sâkâw wayawehewin kinwâpahcikewin, kinwâpahtamihk tânisi sâkâw wayawehewina ayiwâk ka-ispayik kinwes kîspin osci ahpô namoya anima atoskewin, ekwa ahkâmi kinwâpahtamihk sâkâw ohpikiwin. ôhi itôtamowina apihtikwe nitaweyimâw awiyak ka-kiskeyihtahk sâkâw kiskeyihtamowin.

osci wayawehewin kâtâwin atoskewina nitaweyihcikâtew ka-kinwâpahtamihk astasihowina osci anihi wayawehewin kâtâwin osci anihi masinahikewipayiwin ka-osihcikâteki ka-pakitinikâteki kâwî kîsikohk (e-kiskeyihtamihk isi wayinipitamihk). ôma poko ka-osihcâhk wayinipitamihk pimipayihcikewin waweyin.

kinwes kinwâpahcikewin osci apihtikwe wayinipicikewina nitaweyicikâtew ekwa poko ka-âhkami ispayiki kinwes eta ka-astek anihi wiyasiwewina. ekota kihci okimânâhk GHG nakinamâkewin pakitinikâtehki, kinwâpahcikewina poko ka-ahkami itôtamihk 100 askiya kispayiki anihi masinahikewipayiwin.

masinahikewipayiwin poko ka-atâwâkehk isi otatâwew ka-osihcâhk sônîyâhkewin osci anihi masinahikewipayiwin. kayawâiht otatâwew ekîmâmiskômihk âsay kâkîwîcihikon kayahkemohk kehcinâhowin ohci atoskewin tipahikewin kaskihowina. itakihtewin emâmiskôtahkik otatâwâkew ekwa otatâwew ekwa namoya ewiyastât mestinikewin paminiwewin. wayawehewin kâkiskinohamâke keyâpic itakona, ekwa aniki kehcinâ otatâwewak kânatotamâcic tipahikâkewina kâkî meskocipayin ôte nîkânihk.

kehcinâ otatâwewak ekonik atâwew'kamikwa, okimânâhk ahpô peyak awiyak poko kahâpacihtâcic mestinikewin tipahikâkewina osâm ohci

kahitascikehk (itascikew pimpayiwewin), ahpô ekosi kânôtehitôtahkik (wiyawâw iteyicikewiniwâw). kâ yahkohtemakahki kânôtehitôtahkik ohci GHG askiy pimiya ekwa ka-yahkohtemakaki askiy pimiya kâkî ispayin kayahkohtemaka itakihtamowina ohci GHG mestinikewin tipahikâkewina nîkânihk, mâka ispihteyihtakwan kwayask kamoscitâpeyihcâhk kâwi mâcipitamihk atoskewin.

pahpîtos isi ayâwa kahatâwâkehk tipahikâkewina, kîspin sôskwâc tipahikâkewin kâhâpacihtât ahpô ocacâwâkes, meskotonikew, ahpô otatâwâkew. ôhi nahawinikewina ayâmakan pâpîtos isi kocîwin, itakihtewina meskitonikewina, kehcinâhok itakihtewin, ekwa kehcinâhowin nîkânihk.



ATAWAKEHK AKIHTÂMAKWIN

	ohtisiwin/ akihtâmakewin	itakimawin metoni kehcinâhowin	kocîwin
kihciwê ka âpachîtacik	ispaw	capahcâsin	ispaw
soniyawîniwak /at awakewînew	âpihtaw ithikohk	capahcâsin	capahcâsin
yahkow masinahikan	âpihtaw ithikohk	ispaw	âpihtaw ithikohk



okimânâk GHG mestinikewin paminikewin pakitinamwak mihcetis nasasônikewina peyakwan epimitisahâhkik ahpô etikwe kayahkemow sôniyâhkewin ohci atoskewina ekwa kakî- ayâmakahki amota atoskewin waweyina.

mâmawi kâ astahk

kanâta GHG nakinamakewin masinahikewipayiwin pakitinikâtehki atoskewina kâpimitisahâki (peyakwan ke-sihcikecik) kamâmawi astâhk kîspin peyakwan ehishcikehk. ekota ohci kamiyopayin iskonikewin ekwa ayiwâk miyopayicikewin anita atoskewin kanawasinahikewin, âpacihcikewina, kanawâpâcikewin, âcimowina, ekwa kehcinâhowin, ekosi kâ yahkemow kahkiyaw ohci sôniyahkewin kakanawâpahtamihk iyikohk peyako atoskewin kahpaminamihk.

kamâmawihâpacihâtâhk sôniyâw ita ka ohcipayit

âskaw sôniyâkewin ohci mestinikewin atoskewin namoya nahihkohk ka osihtâhk atoskewin kwayask kapimpayit. atoskewina kâhastehki anita okimânâk mestinikewin paminikewin kawîcihikow kotakak sôniyâkewin âhkameyihtamowina, mâka piko ana kâpaminahk kâkî-kâtinam tipahikâkewina ekote ohci GHG nihcipicikewina ehosihtâcik ohci atoskewin ekwa kâtipahikestamihk atoskewin kâwiyastâcik namoya nakinamihk kawîcihiwecik mestinikewin paminikewin. ayiwâk tawipayin nawasonikewin ohci atoskewin tipahikestamâkewin epakitinamihk ka kâtinâcik sôniyâw ohci mekiwina ahpô oyisehcikewin atoskewina, asci kakakâtinâcik sôniyâw kanitâtamocik ahpô nâhâcik. tân'si poko. mihcet kâmeki sôniyâw atoskewinihk kiyikawepayin itakihtewina, ekwa aphis sôniyahkewin ohcipayin ohci GHG nihcipicikewina ekaskihtamâsohk ohci atoskewin. ispihteyihtakwan kehcinâ tipahikâkewin nihcipicikewina namoya nîswâ ka ahkihtamihk.

maskawastâwin

mekwâc namoya enitaweyicikâtehk anita okimânâhk GHG mestinikewin paminikewin, maskawastâwin ohci atoskewin awiyak ekosi ehitasosket ayiwâk kehcinâ atoskewin kakaskihow kamasinawsot ekwa kakaskihow kanihtâwihtât ohci mestinikewin tipahikâkewina.

miyo âpacihâtâ ayiwak


kotaka ahkameyihtamowina

ahpô etikwe kahkîkispinaten tipahikewin kîkwây kotaka ohci GHG mestinikewin atoskewin kotak kîkway namoya piko GHG astampitamowina. wîcîtowina tâpiskoc pimâtisiwin kâpahpîtosipayik ahpô tascikewin kwayask katôtamihk, ahpô kwayask nipiyy ka-ayiwâkak kôsihtâk tipahikâkewina ohci kotaka atoskewin. nitaweyihtâkwina ohci kotaka tipahikâkewin atoskewina ekwa oskiîmnâhk GHG mestinikewin paminikewina piko katôtamihk. mâwacihcikewin ekwa itâtisiwin kanawâpacikan atoskewina kâ-wîcetômâkana ohci âtiht mestinikewin atoskewin towihkâna..ita kâtawapayik, osihtâ kitatoskewin ita mihcet kîkway kakocitôtamihk.

askiy-itowa atoskewina ita

iyiniw-nîkânîwin ahpô ka-kikipayiki iyiniw mâmawinitowina

kanisatawinamihk kesiwâhkohtahkik iyiniwak askiy ekwa kesi kiskeyihtahkik ohci kayâw ekwa mekwâc kesi meskocipayik askiy, okimânâk nihcipicikewina kâ-apacihtâcik kâkî-astewa tân'si ketôtamihk kâ-wîcihiwecik iyiniw mâmawinitowina anita ka kiscâyâhk kanawâpacikanihk ekwa kweski isi astâsowin mâwacihcikewin waweyin. ôhi tipahapâhtamowina kahkîhâhcônikahtew mekiwin ohci tipahikâkewina anita isi tipahikewin nanâtohk isi ohci kehcinâ kakweskipitamihk, ehisiyihkâtehk Environmental Integrity Account.





kakehcinâhohk ekwayekohk kîkway katepipayik ekwa atoskewinaa

ka-osihcikâtehk GHG mestinikewin atoskewin kikipayin mistahi ehiteyihtakwak kinwes kâtoskâtamihk, sohki atoskâtamowin, ekwa masinahikana. ka-osihtâk kaskihcikewin ekwa mâwacihtâhk masinahikana mistahi ewako atoskewinihk kamâcipitamihk kakaskihohk atoskewin. nitôska kâhitakohk kiskeyihtamowin ekwa kiskinohamâkosi ohci kâhayâkik atoskewinaa kesikaskihoyan. kanâta pihcipowi eyewin nakinamâkewin masinahikewipayiwon pakitinikâtehki kahkiyaw awiyak kanawasinahikewin mekiw kehcinâ kiskeyihtamowin ohci ka-ayâmakahki atoskewina.

kîspin nîsohkamâkewin nitaweyicikâtehki kôsihtâk, sôniyâkewin ahpô kâwîmâcipitamihk atoskewin, nitôskaw kawîtatoksemiskik keyakwan kamâtinamâkecik kikaskihowina ekwa enohtehtôtahkik kakehcinâhocik kahkiyaw kâwîtatoksemât ehayâyit kiskeyihtamowin kânitaweyihtamihk kwayask kahitasiwehk.

kâkîseyihtam ewîwîtatoksemat mestinikewin atoskewiyiniw ahpô kotak atoskewin ewîtâpisômat, kwayask nisitohtamohiwewin ekwa kanisitohtamihk pahpiskihc ohci ititapiwina ekwa nâkateyimowewina poko ka âpacihtahk. mestinikewin atoskewin kinwes âhkameyihtamowin ekwa ehispiehteyihtakwak ekiskeyihtahkik kâwîtatoksemitocik kiskeyihtamwak kîkwây ehasotahkik ewîmekicik ekwa awîna kapakamiskâkot ekâ miyopayiki anita atoskewinihk.



kakwehcihkemowina kakakwecimacik kehcinâ kâwîhwîtatoksemacik:

- **kîkwây kâwîtâpisômat ekîhitôtahk omisi isi atoskewina.**
- **tân'siyisi wîcîtowin ekswa astâsowina ohci atoskewin kesimâtinamâkehk?**
- **tân'si mâka kespayin kîspin atoskewin ayiwâk itakohki atoskewin ahpî cikawâsis tipahikâkewina kâ-iteyihtaman.**
- **otatoskew cî nawasônew otatâwesak ohci tipahikâkewina, tân'imayikohk kehcinâ ohci kâhatâwâkehk tânehkohk ekwa itakihtewin?**
- **tân'spî ohci kespayiki anihî tâpwetamowina, ekwa cî kahkînakinikâtewa?**

âpacihtâ ayâhkweyihtamowin ekwa, kîspin ispayiki, pîkiskwâs kotakak ekîwîtatoksemât ana kâwîtatoksemat. nitona kwayask itastâwin pâmayes kesihcikâtaman tâpwetamowina. wîtatoksemitowin kakî-ahkami kiskeyihtamowin mâtinamâkewin ekwa wîtatoksemitowin.